



**JAMHURI YA MUUNGANO WA TANZANIA
TUME YA TAIFA YA UCHAGUZI**



**OFISI YA AFISA MWANDIKISHAJI
JIMBO LA MBEYA VIJIJINI, S. L. P 599, MBEYA**

Tarehe: 22/11/2019

TANGAZO LA NAFASI ZA KAZI ZA MUDA

Kwa mujibu wa Kifungu cha 7A (4) cha Sheria ya Taifa ya Uchaguzi, Sura ya 343 na Kifungu cha 10 (6) cha Sheria ya Uchaguzi ya Serikali za Mitaa, Sura ya 292, kikisomwa pamoja na Kanuni ya 9 ya Kanuni za Uboreshaji wa Daftari la Kudumu la Wapiga Kura, Uchaguzi wa Rais na Wabunge za mwaka 2018 na Kanuni ya 12 ya Kanuni za Uboreshaji wa Daftari la Kudumu la Wapiga Kura, Uchaguzi wa Madiwani za mwaka 2018, Afisa Mwandikishaji wa **Jimbo la Mbeya Vijijini** anapenda kuwajulisha wananchi wote kuwa, zoezi la Uboreshaji wa Daftari la Kudumu la Wapiga Kura katika Kata zote za **Halmashauri ya Wilaya ya Mbeya** litaanza hivi karibuni. Katika Vituo vya kufanyia zoezi hilo, watatumika **Waandishi Wasaidizi** pamoja na **BVR Kit Operators**. Hivyo maombi yanakaribishwa kutoka kwa Watanzania wenye sifa na uwezo wa kujaza nafasi hizo.

A. Sifa za Mwombaji wa nafasi ya Mwandishi Msaidizi au BVR Kit Operator

- 1) Awe raia wa Tanzania.
- 2) Awe mkazi wa kawaida wa Kata husika anayoombea.
- 3) Awe na umri usiopungua miaka 18.
- 4) Awe na elimu ya kuanzia Kidato cha Nne na ajue kusoma na kuandika.
- 5) Awe na umhiri katika matumizi ya Kompyuta.
- 6) Asiwe kiongozi au kada wa Chama cha Siasa.
- 7) Awe mwadilifu na mwaminifu.
- 8) Waombaji waliowahi kufanya kazi kiustadi katika zoezi la Uandikishaji mwaka 2015 na wanazo sifa zilizotajwa hapo juu watapewa kipaumbele.

B. Majukumu ya Mwandishi Msaidizi na BVR Kit Operator

- 1) Kuhakikisha kuwa kituo kinafunguliwa kwa wakati na kuanza uandikishaji kwa muda uliopangwa ambao kwa mujibu wa maelekezo ya Tume ni saa 2:00 Asubuhi hadi saa 12:00 jioni.
- 2) Kubandika bango la Kituo cha Kuandikisha Wapiga Kura na mabango mengine yaliyotolewa na Tume kwa ajili ya kituo cha uandikishaji.
- 3) Kuhakikisha vifaa muhimu vya kituo vinakuwepo katika Kituo cha kuandikisha Wapiga Kura.
- 4) Kuwepo kituoni muda wote wa kazi hata kama hakuna Wapiga Kura wanaokuja kujiandikisha au kuboresha taarifa zao.
- 5) Kusimamia ujazaji wa fomu za Mwombaji (Mpiga Kura) ili kuepusha makosa.


- 6) Kuingiza taarifa za Mpiga Kura kwenye Mfumo wa Uandikishaji.
- 7) Kuhakikisha kuwa Wapiga Kura waliokuja kituoni kabla ya saa 12:00 jioni na kupanga foleni wanaandikishwa wote isipokuwa kama wapo wengi, wataorodheshwa majina na kuwapanga kuanza nao siku inayofuata.
- 8) Kuhakikisha kuwa baada ya uandikishaji wa siku kukamilika, taarifa ya Wapiga Kura walioandikishwa kwa siku hiyo inaandaliwa na kutunzwa kwa lengo la kumkabidhi Afisa Mwandikishaji Msaidizi ngazi ya Kata.
- 9) Kuhakikisha kuwa vifaa na nyaraka za uandikishaji vinatunzwa vizuri kipindi chote cha zoezi na kuvikabidhi kwa Afisa Mwandikishaji vikiwa katika ubora wake.
- 10) Kutekeleza majukumu mengine atakayopangiwa na Afisa Mwandikishaji au Afisa Mwandikishaji Msaidizi.

C. Mambo ya kuzingatia wakati wa kutuma maombi

- 1) Mwombaji lazima aainishe katika barua yake ya maombi, kazi anayoiomba kati ya **Mwandishi Msaidizi** au **BVR Kit Operator**,
- 2) Waombaji waambatishe maelezo binafsi yanayojitosheleza (detailed CV) yenye anuani na namba za simu za kuaminika pamoja na majina ya wadhamini (*referees*) wawili pamoja na picha 3 (Passport Size) za hivi karibuni.
- 3) Maombi yote yatapaswa kuambatana na nakala za vyeti vya kitaaluma na kitaalamu.
- 4) Mwombaji ambaye ni Mtumishi wa Umma atapaswa kupitisha maombi kwa Mkuu wake wa Kituo cha Kazi. Mwombaji ambaye si mtumishi wa Umma, maombi yake yapitie kwa **Mtendaji wa Kijiji** na kwa **Mtendaji wa Kata** husika anayoomba kufanya kazi.
- 5) Mwisho wa kutuma maombi ni tarehe 26/11/2019 na watakaofanikiwa pekee ndiyo watakaojulishwa.
- 6) Barua zote za maombi zikabidhiwe kwa **Watendaji wa Kata** ifikapo tarehe 26/11/2019 saa 9:30 Alasiri au kabla ya hapo, ili kila Mtendaji wa Kata aziwasilishe Barua za waombaji kutoka katika Kata yake kwa Afisa Mwandikishaji tarehe 27/11/2019 saa 2:00 asubuhi. Barua zikiwa zimeandikwa kwenda kwa:-

Afisa Mwandikishaji
Jimbo la Uchaguzi Mbeya Vijijini
S. L. P 599, MBEYA

Tangazo hili limetolewa Na


Stephen E. Katemba
AFISA MWANDIKISHAJI
JIMBO LA MBEYA VIJIJINI

MSIMAMIZI WA UCHAGUZI
JIMBO LA MBEYA (V)